

» տոսի (1169ին), գունդ մի քրիստոնեայ
 » Հայոց՝ վրայ հասան այս Սեւերուն, և
 » շատերը սպաննելով՝ մնացեալները վորն-
 » տեցին. և անոնց բնակած թաղն որ մօտ
 » էր Աւ-Համրայ (թաղի) անբնակ մնալով՝
 » Հատալպա Ղուզի մականուանեալ Գա-
 » հիրէի վալին գնեց, և մշակութեան եր-
 » կիր դարձուց տեղը», և այլն:

Յատուկ Հայոց զօրագունդ մ'ըլլալն ի
 բանակի իաւրիֆայիցն Եգիպտոսի, յիշեն
 ուրիշ պատմիչք այլ, նա և իրենց բնա-
 կութեան թաղը, Հիւսէյինիէ կոչուած:

Գ.

« ՀԱՅՈՑ ՊԱՏՐԻԱՐԻՔՆ. — Այս պատ-
 » րիարքս նախ եպիսկոպոս էր Իթֆիհի (որ
 » հիմայ Աթֆիհ, اطفیح կոչուի, և փոքր քա-
 » ղաք մ'է ի հարաւակողմն Գահիրէի, իբր
 » 2800 բնակչօք). յետոյ Աւ-Հաֆիզի խա-
 » լիֆայութեան ատեն՝ (1130-49) մտա-
 » ծեց պատրիարք ըլլալ, կաշառք տալով:
 » Գաշինք զրաւ ամիրապետին հետ, անոր
 » պատմական գիտութիւններ հաղորդելու:
 » և սա՝ հաճելով՝ թոյլ տուաւ անոր՝ որ